



Zavičaj

Omer Hamzić

## Opći izbori 2000 – polukorak ili status quo

### Opće napomene o općim izborima

Ovogodišnji opći (općni) izbori, peti po redu nakon Dejtona koje organizuje OSCE, provedeni u Bosni i Hercegovini 11.11.2000. (Opći izbori dvijetisućite, Opći izbori dvijehiljadite), kao i mnogo čega u ovoj zemlji unaprijed su proglašeni historijskim, povijenim, sudbonosnim... Po geslom «Promjenama do boljeg života», građani su birali svoje predstavnike (zastupnike) za sve nivoe vlasti, osim lokalnih (općinskih) koji su provedeni 8.4.2000. godine.

U proceduralno-tehničkom pogledu izbori su protekli «samo kako se poželjeti može». OSCE kao organizator ima razloga za zadovoljstvo. U centrale međunarodnih organizacija otići će izvještaji iz Bosne puni hvalisanja i «komplimentiranja» - sa visokim ocjenama visokih dužnosnika sa visokom plaćama koje se ponekada moraju i opravdati na nekim visoko rangiranim mjestima.

Iz njihovih izvještaja, međutim, naslućuje se samo privid neke regularnosti, namještenosti, formalizma... Ispod toga – sijaset neriješenih problema u ovoj zemlji. Mnogi su i ovoga puta glasali daleko od svojih kuća – u koje se možda nikada više neće ni vratiti. Kud će veća neregularnost od toga. Možda su sredstva manipulacije i pritisaka promijenjena, ali to kao što neko reče, «nije promijenilo suštinu političke klime u Bosni». Neki konkretni potezi međunarodnih posrednika (izmjena izbornih pravila i prijetnje zabranom SDS u minut do dvanaest) doprinijeli su radikalizaciji naše političke scene. Referendum Hrvata, odnosno HDZ, održan isti dan kad

Omer Hamzić

Opći izbori 2000 - polukorak ili status quo

Prof. dr. Izet Mašić

Likovi zavičaja: Život i djelo prof. dr. Halima Mulaibrahimovića

Fikret Ahmetbašić

Izumrle i raseljene familije u Džakulama od 1932-2000. godine

i izbori predstavlja najveći atak na regularnost izbora, ali je bio i pun politički pogodak HDZ. Riječ je o izbornoj manipulaciji, odnosno strahu HDZ od poraza. To potvrđuje i sama formulacija referendumskog pitanja »kojim se od Hrvata u BiH traži izjašnjenje da li su za ravnopravnost sa drugim narodima u BiH«. Za organizatore referenduma nije bilo važno kakav će odgovor uslijediti na tu posve besmisleni dilemu. Oni su pronašli način na koji će što veći broj Hrvata opomenuti da, glasajući na referendumu, usput zaokruže »i onoga, zna se«, koji će im tu ravnopravnost i osigurati.

To je najdrastičnije kršenje izbornih pravila i neviden »posprdni« odnos jedne političke stranke prema intencijama međunarodne zajednice u ovoj zemlji. Da li je HDZ za ovaj svoj »netašluk« adekvatno kažnjena uklanjanjem dva kandidata za Zastupnički dom Parlamenta BiH i jednog kandidata za Zastupnički dom Federalnog parlamenta, te skidanjem po dva kandidata sa pet kandidatskih listi u pet kantona u kojima HDZ ima najveću podršku – pitanje je na koje će se »samo kazati« tokom implementacije ovogodišnjih općih izbora.

### **Rezultati glasanja na nivou Federacije BiH i kantona**

Na 3.600 biračkih mjesta u Bosni i Hercegovini više od 40 političkih stranaka i koalicija ponudilo je svoje kandidatske liste za sljedeće nivoe vlasti: Zastupnički dom Parlamentarne skupštine Bosne i Hercegovine, Zastupnički dom Parlamenta Federacije Bosne i Hercegovine, predsjednika i dopredsjednika Republike Srpske, Narodnu skupštinu Republike Srpske, za skupštine svih 10 kantona u Federaciji Bosne i Hercegovine i napokon za Skupštinu općine Srebrenica, u kojoj nije bilo uslova za održavanje lokalnih izbora u aprilu ove godine. Za sve navedene nivoe vlasti (izuzev predsjednika i dopredsjednika Republike Srpske) izbori su provedeni

primjenom sistema otvorenih listi, koji predstavlja dalju demokratizaciju izbornog procesa na ovim prostorima.

Prema nezvaničnim podacima od 17.11.2000. godine (nakon prebrojavanja više od 97% glasova), SDP je vodeća za državni, SDA za federalni, a SDS je vodeća stranka i na državnom i na entitetskom nivou. Predsjednički par SDS za RS također je u vodstvu i ima izgleda da pobijedi u prvom krugu glasanja. Što se tiče izbora za kantonalne skupštine, HDZ vodi u pet kantona (Posavski, Srednjobosanski, Hercegovачko-neretvanski, Zapadnohercegovački i Kanton Livno), SDA je vodeća stranka u Unsko-sanskom, Zeničko-dobojskom i Goraždanskom kantonu, dok SDP vodi u Tuzlanskom i Sarajevskom kantonu. Razlika između SDA i SDP u Zeničko-dobojskom kantonu iznosi samo 4,4% glasova (SDA ima 34,4%, a SDP 30% glasova). U Goraždanskom kantonu ta je razlika svega 0,1% u korist SDA. (Tabela br. 1 u prilogu ove analize). Iako se radi o preliminarnim rezultatima koje objavljuje, gotovo je sigurno da se odnosi na listama neće bitnije promijeniti ni nakon objavljivanja konačnih rezultata, izuzev možda u spomenuta dva kantona u kojima se vodi »mrtva trka« za primat u kantonalnim skupštinama između SDA i SDP.

Na osnovu prikupljenih podataka može se zaključiti da dvije vodeće političke stranke u F BiH, SDP i SDA, puno bolje »stoje« na nivou općine Gračanica u odnosu na njihov plasman na nivou Federacije, odnosno Tuzlanskog kantona, te da je S BiH nešto malo slabija na nivou općine u odnosu na prosjek Kantona, odnosno Federacije, što se vidi iz tabele na sljedećoj stranici.

Ovakav raspored političkih snaga »lokalno i globalno« različit je iz više razloga koji zaslužuju posebno razmatranje, ali to nije predmet ove analize.

*Pokazatelji uspjeha SPD, SDA i S BiH na općinskom i federalnom nivou izraženi u procentima osvojenih glasova*

|                                              | SDP    |        | SDA    |        | S BiH  |        |
|----------------------------------------------|--------|--------|--------|--------|--------|--------|
|                                              | Općina | F BiH  | Općina | F BiH  | Općina | F BiH  |
| Zastupnički dom Parlamentarne skupštine BiH  | 48%    | 27,25% | 33,15% | 27,60% | 12,22% | 15,61% |
| Zastupnički dom Parlamentarne skupštine FBiH | 47,85% | 26,14% | 34,54% | 26,83% | 11,87% | 14,84% |
| Skupština Tuzlanskog kantona                 | 47,20% | 43,58% | 34,63% | 33,77% | 11,40% | 10,17% |

## Rezultati glasanja na području općine Gračanica

Na području općine Gračanica upisano je (registrovano) 27.896 birača za glasanje na 34 takozvana redovna biračka mjesta i 3.635 birača za glasanje na 6 biračkih mjesta za takozvano «glasanje u odsutnosti». Od upisanih 27.896 punoljetnih građana, registrovanih za glasanje, svoje biračko pravo iskoristilo je 19.029 glasača ili 68,2% - što je za 4% manje u odnosu na lokalne izbore. Za naklonost birača na listi za Skupštinu Tuzlanskog kantona borilo se čak 18 stranaka, za Zastupnički dom Federalnog parlamenta 13, a za Zastupnički dom Parlamenta BiH 11 političkih stranaka.

Rezultati glasanja na području općine Gračanica približno su ujednačeni za sva tri nivoa vlasti. U tabeli 2, 3 i 4 u prilogu ove analize prikazani su detaljni rezultati glasanja po mjesnim zajednicama. Na osnovu rezultata glasanja za sva tri pomenuta nivoa vlasti, radi mjerenja uspješnosti pojedinih stranaka i poređenja sa prethodnim izborima, izvukli smo pro-sječne rezultate parlamentarnih izbora po mjesnim zajednicama za 5 vodećih političkih stranaka (metoda ponderisanja), iz kojih se može vidjeti kako je koja politička stranka «prošla» po pojedinim biračkim mjestima, odnosno mjesnim zajednicama. (tabela broj 5)

I u ovim izborima kampanja je bila žestoka, na momente gruba, sa povremenim faulovima, ponekad i niskim udarcima. U borbi za naklonost birača «niko nikoga nije štedio». Znakoviti slogani sa izbornih plakata ovoga puta bili su više od poruke: «Sa nama BiH može bolje» (SDP), «Opredjeljenje ili istrebljenje» (HDZ), «Svi su svoje odabrali, a vi?» (SDA), «BiH bez entiteta» (S BiH). Ova tri slogana koju su lansirale tri najveće političke grupacije u F BiH na najbolji način pokazuju šta je koja od njih iznijela na ovogodišnjem «izbornu pijacu».

I ovoga puta rivalske stranke međusobno su se prozivale za sve što je učinjeno, a što nije valjalo i za sve što nije učinjeno, a moglo se. Glavni udar SDA i HDZ usmjerile su na SDP, koji im je poslije lokalnih izbora zaprijetio da će ih pomesti sa političke scene, uzdajući se u naklonost biračkog tijela, ali i u konkretnu podršku evropske socijaldemokratije. «Nismo mogli popraviti za 120 dana sve što su oni upropastili za 120 mjeseci svoje vladavine», poručivali su aktivisti SDP na području općine Gračanica, braneći se od napada SDA, koja se poslije aprila dizala iz pepela.

Šta karakteriše ovogodišnje opće izbore na području općine Gračanica?

Ostvarena je ponovna pobjeda SDP (nešto malo manje ubjedljiva nego na lokalnim izborima), blagi oporavak SDA i S BiH nakon debakla na lokalnim izborima, veća apstinencija birača (onih koji nisu izašli na izbore) za 4%. Ukratko - SDP «kraći» za 5,1%, SDA «bolja» za 3,2% koliko i

njezina, nekada sestrinska S BiH. Manje političke stranke ostvarile su u prosjeku manje glasova nego proljetos i ko zna hoće li se moći oporaviti u narednom periodu.

U svakom slučaju, rezultati ovih izbora pokazuju da se i na prostoru gračaničke općine vrši postepena diferencijacija biračkog tijela po klasičnom šablonu: lijevo, desno i centar. S BiH sve više preferira centru, što slabi takozvane male stranke liberalno-građanske orijentacije, klasične stranke centra.

### Stranački plusovi i minusi

Na ovogodišnjim općim izborima SDP je osvojila u prosjeku 47,7% važećih glasova na općini i tako zadržala visoku vodeću poziciju kao najjača politička snaga u Gračanici. To je izuzetno dobar rezultat u poređenju sa rezultatima općih izbora 1998. godine, kada je SDP osvojila 32,6%, Socijaldemokrati BiH 6,2% ili zajedno 38,8% biračkog tijela. Međutim, u poređenju sa rezultatima prethodnih lokalnih izbora, SDP bilježi izvjestan podbačaj, u prosjeku za 5,1% manje osvojenih glasova. Manje glasova dobila je u većini seoskih mjesnih zajednica, dok je Gračanica uspjela ponoviti prethodni rezultat i u potpunosti očuvati svoje biračko tijelo. Najveći podbačaj bilježi u mjesnoj zajednici Priješko Brdo, gdje je SDP izgubila 14,9% svojih pristalica. U isto vrijeme, SDA je povećala broj svojih glasača za 15,1%, koliki je ustvari bio gubitak SDP. Slično se dogodilo i u Donjoj Orahovici: SDP u minusu za 13,5%, SDA u plusu za 13,2%; u Lukavici: SDP u minusu 12,2%, SDA u plusu za 14,7%, što je ujedno i najbolji pojedinačni rezultat SDA na općini; u Džakulama: SDP u minusu za 11,2%, ali ti glasovi nisu «otišli» SDA, već S BiH, koja je povećala broj svojih glasača u toj mjesnoj zajednici čak za 20,3%, što je najbolji pojedinačni rezultat te stranke na općini. Slično se dogodilo i u

Doborovcima, gdje je S BiH, takode, napravila veliki iskorak, uglavnom, na račun SDP i SDA.

Džakule, Donja Lohinja i Lukavica zabilježile su i najveći odziv birača, za razliku od ostalih koje imaju izvjestan pad odziva birača u odnosu na lokalne izbore, od 11% u Rašljevi do 2,2% u Donjoj Orahovici.

Osim SDP, i ostale političke stranke na području gračaničke općine prošle su sa manjim ili većim «gubicima» svojih birača, koji su «promijenili simpatije» i okrenuli se SDA ili S BiH, ili su jednostavno apstinirali

Slična kretanja zabilježena su i u drugim općinama Tuzlanskog kantona.

Činjenica je da SDA na području općine Gračanica SDA nije ostvarila neko veliko povećanje broja svojih glasača u odnosu na prethodne izbore (svega 3,2%). Iako još uvijek dobro zaostaje iza vodećeg SDP, i rezultata sa općih izbora 1998. godine, kada je Koalicija za BiH (koju je činila SDA i S BiH, Građanska i Liberalna stranka) osvojila 52,5% biračkog tijela), u taboru SDA imaju razloga za zadovoljstvo jer su postignuti rezultati u ovim izborima možda i prvi znaci oporavka ove stranke nakon poraza na lokalnim izborima. Ako se ima u vidu da je odmah poslije tih izbora, općinsko rukovodstvo SDA, po nalogu sa više instance, raspušteno (što je, objektivno, bila drastična kazna), rezultati postignuti na ovim izborima pokazuju da se Stranka konsolidovala, da je uspostavila ili već obnovila svoju stranačku infrastrukturu i da ima unutrašnje snage za dalje napredovanje i pridobijanje sve većeg broja pristalica, koristeći relativno povoljnu poziciju «konstruktivne opozicije».

Iako je SDP apsolutni pobjednik sa nadmoćnih 47,7% osvojenih glasova na nivou općine, podbačaj od 5,1% u odnosu na lokalne izbore – pokazuje blagi pad popularnosti ove stranke. Uzroka za to ima više. Prije svega, od lokalnih do općih izbora bilo je



jedan razmah i za realizaciju onoga što se obećavalo. Na drugoj strani, narod je, opet, suviše nestrpljiv.

Nova esdepeovska vlast dinamizirala je mnoge procese na općini i otpočela «ozbiljno pospremanje kuće», zakačivši metlom i neke stvari koje su manje popularne u narodu: otpuštanje viška «općinara», deložiranja, uvođenje veće discipline u svim općinskim službama, razne restrikcije i pojačanje inspeksijskog nadzora, uvođenje reda u oblasti urbanizma, najava rušenja nekih bespravno izgrađenih objekata itd. U kratkom roku, međutim, nije se moglo ostvariti ništa spektakularno, a činjenica je da se obećavalo. Tamo gdje se počelo nešto konkretno raditi, birači su znali «debelo» nagraditi i izdašno uzvratiti. Primjeri Stjepan Polja i Malešića to najbolje potvrđuju. Istina ima i izuzetaka, što zaslužuje posebnu pažnju u nekim stranačkim prestrojavanjima.

Blagi pad popularnosti SDP u ovim u odnosu na lokalne izbore može biti i posljedica nekih poremećaja u SDP na globalnom planu (sukob: Lagumdžija – Duraković, neka neprincipijelna kadrovska rješenja, pa i sam sastav izbornih timova, odnosno listi). Sa nivoa općine na to se nije moglo puno uticati.

Da se radi o posljedicama nekih globalnih promašaja SDP (pa i grešaka u samoj kampanji) potvrđuje i činjenica da je sličan podbačaj zabilježen i u nekim susjednim općinama.

Neki aktivisti SDP ne kriju svoju razočaranost činjenicom da je potpuno izostala konkretna materijalna pomoć od takozvane evropske socijaldemokratije koja je na sva zvona obećavana tokom izborne kampanje za lokalne izbore. Od te silne retorike, sve se svelo na nekoliko rutinskih seminara i savjetovanja iz demokracije za novoizabrane esdepeovske gradonačelnike iz dvadesetak općina Federacije Bosne i Hercegovine. Ili se suviše obećavalo ili su pristalice SDP suviše očekivale, izgubivši osjećaj za realnost. Za krhku građansku opciju u Bosni i Hercegovini i političke snage koje guraju tu opciju i verbalna podrška iz bijelog svijeta svakako nešto znači i ne treba je potcjenivati, ali ona očigledno nije dovoljna da bi se normalni građansko-demokratski procesi na ovim prostorima «omladili» u nekom razumnom vremenu.

Analizirajući uzroke zbog kojih SDP nije ponovila rezultat sa lokalnih izbora, ne treba zanemariti ni svojevrsan presing na biračko tijelo iz takozvanih nacionalnih stranaka koje su i ovoga puta «udarale» na osjetljiva mjesta ugroženosti naroda, opstanka itd. Ne treba zaboraviti činjenicu da SDS «s onu stranu Spreče» ponovo doživljava svoju renesansu. Komšije se homogeniziraju i «zbijaju redove» oko svoje nacionalne stranke – za svaki slučaj. Htjeli ne htjeli to ima itekako uticaja i na političko raspoloženje na desnoj strani Spreče. Bilo je i otvorenog podsjećanja na 1990. godinu, što nije slučajno ako se imaju u vidu «desna skretanja» HDZ, referendum Hrvata, treći entitet, te Harisova «kontra» – Bosna i Hercegovina bez entiteta itd.

Umjesto zaključka može se konstatovati sljedeće: SDP je na općini Gračanica ubjedljivi pobjednik i u drugom poluvremenu, ali s nešto manjom gol-razlikom u odnosu na prvo poluvrijeme. Rečeno sportskim rječnikom: mora održati terensku inicijativu ukoliko želi osigurati po-

držku publike kao uslov za pobjedu u nekoj sljedećoj revanš-utakmici za koju se i politički protivnici SDP pomno pripremaju.

### Bez političkog raspleta

Analitičari ovogodišnjih općih izbora u BiH, iako svi glasovi još nisu ni prebrojani, već izražavaju svoju skepsu i nezadovoljstvo njihovim krajnjim rezultatima. Međunarodna zajednica i svijet očekivali su da će se u ovim izborima u BiH promijeniti vlast, to jest «koncept vlasti», što bi rekli esdepeovci. Sada je već sigurno da se to neće desiti. Nacionalne stranke u ovim procesima nisu oslabljene. Naprotiv, one sa srpskim i hrvatskim predznakom znatno su ojačale. Neko je već napisao da su i ovi izbori sa strateškog aspekta, izbori propuštene šanse... «Lijeva retorika SDP u većem dijelu zemlje nije prepoznata kao obećavajući lijek.» (Nerzuk Čurak, Dani, 17.11.2000, str 17)

Na osnovu rezultata izbora «može se zaključiti da je globalna smjena odgođena za 2.002. godinu. Iako je partija broj 1, SDP nema «otvoren put ka nužnim reformama državne strukture ni u F BiH. SDA je izb-

jegla potpuni poraz, S BiH je u usponu. Iako pravno ništavan, takozvani referendum Hrvata za HDZ je bio veoma «učinkovit», možda i odlučujuće uticao da ta stranka i dalje ostane «u sedlu». U RS SDS je potvrdio dominaciju... SDS je u RS u usponu. Visok stepen homogenizacije srpskog i hrvatskog biračkog tijela nedvojbeno pokazuje kako Srbi i Hrvati gledaju na Dejton i u kakvoj bi državi zapravo željeli da žive. Bošnjačko biračko tijelo refleksno je reagovalo na snažno nacionalno pregrupisanje Srba i Hrvata i glasalo tako kako je glasalo. «BiH je umjesto priželjkivanog koraka odlučnosti za izlazak iz krize napravila tek polukorak, umjesto političkog raspleta dobila je tek gram nade.» (Ibrahim Prohić, komentator «Oslobođenja» u broju od 13.11.2000. godine)

Raspored političkih snaga i nakon ovih izbora Bosnu i Hercegovinu ponovo stavlja u ulogu taoca nacionalnih podjela. Ako više od 60% mlade populacije želi da zauvijek ode iz ove zemlje, onda nije neu-mjesno pitanje – ko će glasati u nekim narednim izborima i za koga...

### Prilozi: tabele

Tabela 1. Rezultati glasanja za skupštine svih 10 kantona u FBiH izraženi u procentima nakon prebrojavanja oko 97% glasačkih listića (podaci od 17. 11.)

| RB | Kanton              | SDA   | SDP   | SBIH  | HDZ   | DNZ   | NHI   | HSP  | RZB* | Ostali |
|----|---------------------|-------|-------|-------|-------|-------|-------|------|------|--------|
| 1  | Unsko-sanski        | 42,18 | 17,19 | 14,19 | 0,00  | 16,97 | 0,00  | 0,00 | 0,00 | 9,54   |
| 2  | Posavski            | 8,78  | 18,32 | 0,00  | 46,90 | 0,00  | 17,29 | 0,00 | 0,00 | 8,71   |
| 3  | Tuzlanski           | 33,77 | 43,58 | 10,17 | 0,00  | 0,00  | 0,00  | 0,00 | 0,00 | 12,48  |
| 4  | Zeničko-dobojski    | 34,42 | 30,04 | 16,31 | 5,80  | 0,00  | 0,00  | 0,00 | 0,00 | 13,43  |
| 5  | Goraždanski         | 31,39 | 31,31 | 30,72 | 0,00  | 0,00  | 0,00  | 0,00 | 0,00 | 6,58   |
| 6  | Srednjobosanski     | 26,31 | 19,31 | 12,97 | 30,76 | 0,00  | 4,09  | 0,00 | 0,00 | 6,57   |
| 7  | Herceg.-neretvanski | 15,89 | 12,33 | 11,21 | 48,73 | 0,00  | 0,00  | 0,00 | 0,00 | 11,84  |
| 8  | Zapadno-herceg.     | 0,00  | 0,00  | 0,00  | 70,63 | 0,00  | 0,00  | 4,86 | 8,01 | 16,50  |
| 9  | Sarajevski          | 22,47 | 36,58 | 25,97 | 0,00  | 0,00  | 0,00  | 0,00 | 0,00 | 14,98  |
| 10 | Livanjski           | 6,86  | 0,00  | 0,00  | 56,14 | 0,00  | 0,00  | 5,26 | 0,00 | 31,74  |

\* Radom za boljitak

Tabela 2. Rezultati općih izbora 2000. Na području općine Gračanica (po mjesnim zajednicama) za Zastupnički dom Parlamentarne skupštine BiH

| RB     | MZ          | UPIS  | GLASALO |       | VAŽEĆIH LIST. |       | SDP  |       | SDA  |       | SEIH |       | LDS |      | SPEN |      | Ostali |      |
|--------|-------------|-------|---------|-------|---------------|-------|------|-------|------|-------|------|-------|-----|------|------|------|--------|------|
|        |             |       | br.     | %     | br.           | %     | br.  | %     | br.  | %     | br.  | %     | br. | %    | br.  | %    | br.    | %    |
| 1      | BABIĆI      | 1102  | 740     | 67,15 | 684           | 92,43 | 222  | 32,46 | 346  | 50,58 | 83   | 12,13 | 11  | 1,61 | 6    | 0,88 | 16     | 2,34 |
| 2      | DOBOROVCI   | 1235  | 777     | 62,91 | 701           | 90,22 | 253  | 36,09 | 209  | 29,81 | 184  | 26,25 | 11  | 1,57 | 21   | 3,00 | 23     | 3,28 |
| 3      | DŽAKULE     | 1427  | 1058    | 74,14 | 999           | 94,42 | 176  | 17,62 | 453  | 45,35 | 274  | 27,43 | 57  | 5,71 | 11   | 1,10 | 28     | 2,80 |
| 4      | GRAČANICA   | 8194  | 5221    | 63,72 | 4895          | 93,76 | 3251 | 66,41 | 742  | 15,16 | 528  | 10,79 | 116 | 2,37 | 159  | 3,25 | 99     | 2,02 |
| 5      | D.LOHINJA   | 559   | 387     | 69,23 | 374           | 96,64 | 151  | 40,37 | 160  | 42,78 | 47   | 12,57 | 8   | 2,14 | 5    | 1,34 | 3      | 0,80 |
| 6      | LUKAVICA    | 1720  | 1260    | 73,26 | 1180          | 93,65 | 494  | 41,86 | 567  | 48,05 | 62   | 5,25  | 13  | 1,10 | 14   | 1,19 | 30     | 2,54 |
| 7      | MALEŠIĆI    | 1694  | 1239    | 73,14 | 1150          | 92,82 | 563  | 48,96 | 371  | 32,26 | 157  | 13,65 | 8   | 0,70 | 14   | 1,22 | 37     | 3,22 |
| 8      | MRIČINA     | 1474  | 970     | 65,81 | 873           | 90,00 | 483  | 55,33 | 215  | 24,63 | 94   | 10,77 | 23  | 2,63 | 43   | 4,93 | 15     | 1,72 |
| 9      | D.ORAHOMICA | 2446  | 1587    | 64,88 | 1486          | 93,64 | 625  | 42,06 | 637  | 42,87 | 133  | 8,95  | 29  | 1,95 | 39   | 2,62 | 23     | 1,55 |
| 10     | G.ORAHOMICA | 1225  | 847     | 69,14 | 816           | 96,34 | 330  | 40,44 | 351  | 43,01 | 96   | 11,76 | 6   | 0,74 | 22   | 2,70 | 11     | 1,35 |
| 11     | PISKAVICA   | 412   | 331     | 80,34 | 321           | 96,98 | 162  | 50,47 | 97   | 30,22 | 44   | 13,71 | 8   | 2,49 | 7    | 2,18 | 3      | 0,93 |
| 12     | PRIBAVA     | 947   | 585     | 61,77 | 549           | 93,85 | 258  | 46,99 | 147  | 26,78 | 89   | 16,21 | 14  | 2,55 | 19   | 3,46 | 22     | 4,01 |
| 13     | PR.BRDO     | 426   | 384     | 90,14 | 379           | 98,70 | 53   | 13,98 | 307  | 81,00 | 11   | 2,90  | 5   | 1,32 | 0    | 0,00 | 3      | 0,79 |
| 14     | RAŠLJEVA    | 422   | 318     | 75,36 | 305           | 95,91 | 150  | 49,18 | 118  | 38,69 | 16   | 5,25  | 11  | 3,61 | 8    | 2,62 | 2      | 0,66 |
| 15     | SOKO        | 1076  | 762     | 70,82 | 679           | 89,11 | 356  | 52,43 | 168  | 24,74 | 115  | 16,94 | 11  | 1,62 | 9    | 1,33 | 20     | 2,95 |
| 16     | ST.POLJE    | 2079  | 1433    | 68,93 | 1322          | 92,25 | 569  | 43,04 | 542  | 41,00 | 143  | 10,82 | 15  | 1,13 | 36   | 2,72 | 17     | 1,29 |
| 17     | ŠKAHOMICA   | 805   | 588     | 73,04 | 554           | 94,22 | 265  | 47,83 | 202  | 36,46 | 45   | 8,12  | 23  | 4,15 | 13   | 2,35 | 6      | 1,08 |
| 18     | VRANOMIĆI   | 653   | 538     | 82,39 | 521           | 96,84 | 178  | 34,17 | 265  | 50,86 | 52   | 9,98  | 8   | 1,54 | 9    | 1,73 | 9      | 1,73 |
| UKUPNO |             | 27896 | 19025   | 68,20 | 17788         | 93,50 | 8539 | 48,00 | 5897 | 33,15 | 2173 | 12,22 | 377 | 2,12 | 435  | 2,45 | 367    | 2,06 |

Tabela 3. Rezultati općih izbora 2000. Na području općine Gračanica (po mjesnim zajednicama) za Zastupnički dom Parlamentarne skupštine FBiH

| RB     | MZ          | UPIS. | GLASALO |       | VAŽEĆIH LIST. |         | SDP  |       | SDA  |       | SBIH |       | LDS |      | HDZ |      | Ostali |      |
|--------|-------------|-------|---------|-------|---------------|---------|------|-------|------|-------|------|-------|-----|------|-----|------|--------|------|
|        |             |       | br.     | %     | br.           | %       | br.  | %     | br.  | %     | br.  | %     | br. | %    | br. | %    | br.    | %    |
| 1      | BABIĆI      | 1102  | 739     | 67,06 | 703           | 95,1286 | 227  | 32,29 | 355  | 50,50 | 91   | 12,94 | 10  | 1,42 | 2   | 0,28 | 18     | 2,56 |
| 2      | DOBOROVCI   | 1235  | 779     | 63,08 | 714           | 91,656  | 256  | 35,85 | 234  | 32,77 | 185  | 25,91 | 11  | 1,54 | 2   | 0,28 | 26     | 3,64 |
| 3      | DŽAKULE     | 1427  | 1058    | 74,14 | 1007          | 95,1796 | 168  | 16,68 | 478  | 47,47 | 268  | 26,61 | 64  | 6,36 | 0   | 0,00 | 29     | 2,88 |
| 4      | GRAČANICA   | 8194  | 5220    | 63,71 | 4919          | 94,2337 | 3256 | 66,19 | 824  | 16,75 | 510  | 10,37 | 159 | 3,23 | 5   | 0,10 | 165    | 3,35 |
| 5      | D.LOHINJA   | 559   | 385     | 68,87 | 375           | 97,4026 | 150  | 40,00 | 163  | 43,47 | 46   | 12,27 | 7   | 1,87 | 1   | 0,27 | 8      | 2,13 |
| 6      | LUKAVICA    | 1720  | 1260    | 73,26 | 1186          | 94,127  | 493  | 41,57 | 588  | 49,58 | 60   | 5,06  | 8   | 0,67 | 3   | 0,25 | 34     | 2,87 |
| 7      | MALEŠIĆI    | 1694  | 1239    | 73,14 | 1158          | 93,4625 | 579  | 50,00 | 391  | 33,77 | 151  | 13,04 | 6   | 0,52 | 1   | 0,09 | 30     | 2,59 |
| 8      | MIRIČINA    | 1474  | 970     | 65,81 | 876           | 90,3093 | 498  | 56,85 | 223  | 25,46 | 94   | 10,73 | 17  | 1,94 | 2   | 0,23 | 42     | 4,79 |
| 9      | D.ORAHOVICA | 2446  | 1589    | 64,96 | 1477          | 92,9515 | 638  | 43,20 | 650  | 44,01 | 127  | 8,60  | 23  | 1,56 | 0   | 0,00 | 39     | 2,64 |
| 10     | G.ORAHOVICA | 1225  | 846     | 69,06 | 810           | 95,7447 | 332  | 40,99 | 360  | 44,44 | 92   | 11,36 | 6   | 0,74 | 2   | 0,25 | 18     | 2,22 |
| 11     | PISKAVICA   | 412   | 331     | 80,34 | 323           | 97,5831 | 164  | 50,77 | 99   | 30,65 | 44   | 13,62 | 9   | 2,79 | 0   | 0,00 | 7      | 2,17 |
| 12     | PRIBAVA     | 947   | 585     | 61,77 | 555           | 94,8718 | 264  | 47,57 | 165  | 29,73 | 87   | 15,68 | 15  | 2,70 | 1   | 0,18 | 23     | 4,14 |
| 13     | PR.BRDO     | 426   | 384     | 90,14 | 381           | 99,2188 | 56   | 14,70 | 308  | 80,84 | 10   | 2,62  | 2   | 0,52 | 0   | 0,00 | 5      | 1,31 |
| 14     | RAŠLJEVA    | 422   | 318     | 75,36 | 307           | 96,5409 | 149  | 48,53 | 126  | 41,04 | 10   | 3,26  | 10  | 3,26 | 0   | 0,00 | 12     | 3,91 |
| 15     | SOKO        | 1076  | 763     | 70,91 | 700           | 91,7431 | 356  | 50,86 | 188  | 26,86 | 112  | 16,00 | 5   | 0,71 | 2   | 0,29 | 37     | 5,29 |
| 16     | ST.POLJE    | 2079  | 1425    | 68,54 | 1362          | 95,5789 | 562  | 41,26 | 573  | 42,07 | 130  | 9,54  | 27  | 1,98 | 3   | 0,22 | 67     | 4,92 |
| 17     | ŠKAHOVICA   | 805   | 589     | 73,17 | 563           | 95,5857 | 266  | 47,25 | 211  | 37,48 | 45   | 7,99  | 26  | 4,62 | 3   | 0,53 | 12     | 2,13 |
| 18     | VRANOVIĆI   | 653   | 536     | 82,08 | 525           | 97,9478 | 170  | 32,38 | 260  | 49,52 | 67   | 12,76 | 8   | 1,52 | 2   | 0,38 | 18     | 3,43 |
| UKUPNO |             | 27896 | 19016   | 68,17 | 17941         | 94,3469 | 8584 | 47,85 | 6196 | 34,54 | 2129 | 11,87 | 413 | 2,30 | 29  | 0,16 | 590    | 3,29 |

Tabela 4. Rezultati općih izbora 2000. na području općine Gračanica (po mjesnim zajednicama) za skupštinu TK

| RB     | M Z         | UPIS. | GLASALO |       | VAŽEĆIH LIST. |       | SDP  |       | SDA  |        | SBIH | LDS |      | S PEN |      | Ostali |      |
|--------|-------------|-------|---------|-------|---------------|-------|------|-------|------|--------|------|-----|------|-------|------|--------|------|
|        |             |       | br.     | %     | br.           | %     | br.  | %     | br.  | %      | br.  | br. | %    | br.   | %    | br.    | %    |
| 1      | BABIĆI      | 1102  | 740     | 67,15 | 705           | 95,27 | 230  | 32,62 | 366  | 51,915 | 71   | 2   | 0,28 | 5     | 0,71 | 31     | 4,40 |
| 2      | DOBOROVCI   | 1235  | 778     | 63,00 | 693           | 89,07 | 239  | 34,49 | 227  | 32,756 | 161  | 16  | 2,31 | 15    | 2,16 | 35     | 5,05 |
| 3      | DŽAKULE     | 1427  | 1058    | 74,14 | 941           | 88,94 | 155  | 16,47 | 453  | 48,14  | 236  | 49  | 5,21 | 10    | 1,06 | 38     | 4,04 |
| 4      | GRAČANICA   | 8194  | 5221    | 63,72 | 4898          | 93,81 | 3189 | 65,11 | 801  | 16,354 | 470  | 101 | 2,06 | 152   | 3,10 | 185    | 3,78 |
| 5      | D.LOHINJA   | 559   | 385     | 68,87 | 357           | 92,73 | 145  | 40,62 | 154  | 43,137 | 38   | 9   | 2,52 | 5     | 1,40 | 6      | 1,68 |
| 6      | LUKAVICA    | 1720  | 1261    | 73,31 | 1151          | 91,28 | 473  | 41,09 | 597  | 51,868 | 44   | 5   | 0,43 | 7     | 0,61 | 25     | 2,17 |
| 7      | MALEŠIĆI    | 1694  | 1239    | 73,14 | 1159          | 93,54 | 567  | 48,92 | 402  | 34,685 | 129  | 7   | 0,60 | 11    | 0,95 | 43     | 3,71 |
| 8      | MIRIČINA    | 1474  | 970     | 65,81 | 867           | 89,38 | 488  | 56,29 | 207  | 23,875 | 76   | 11  | 1,27 | 32    | 3,69 | 53     | 6,11 |
| 9      | D.ORAHOVICA | 2446  | 1588    | 64,92 | 1487          | 93,64 | 621  | 41,76 | 647  | 43,51  | 102  | 18  | 1,21 | 40    | 2,69 | 59     | 3,97 |
| 10     | G.ORAHOVICA | 1225  | 847     | 69,14 | 804           | 94,92 | 324  | 40,30 | 346  | 43,035 | 80   | 4   | 0,50 | 25    | 3,11 | 25     | 3,11 |
| 11     | PISKAVICA   | 412   | 331     | 80,34 | 314           | 94,86 | 164  | 52,23 | 96   | 30,573 | 38   | 6   | 1,91 | 3     | 0,96 | 7      | 2,23 |
| 12     | PRIBAVA     | 947   | 585     | 61,77 | 535           | 91,45 | 253  | 47,29 | 163  | 30,467 | 69   | 7   | 1,31 | 17    | 3,18 | 26     | 4,86 |
| 13     | PR.BRDO     | 426   | 384     | 90,14 | 381           | 99,22 | 53   | 13,91 | 311  | 81,627 | 5    | 1   | 0,26 | 1     | 0,26 | 10     | 2,62 |
| 14     | RAŠLJEVA    | 422   | 318     | 75,36 | 286           | 89,94 | 136  | 47,55 | 109  | 38,112 | 8    | 9   | 3,15 | 7     | 2,45 | 17     | 5,94 |
| 15     | SOKO        | 1076  | 763     | 70,91 | 677           | 88,73 | 352  | 51,99 | 162  | 23,929 | 104  | 9   | 1,33 | 14    | 2,07 | 36     | 5,32 |
| 16     | ST.POLJE    | 2079  | 1433    | 68,93 | 1329          | 92,74 | 519  | 39,05 | 612  | 46,05  | 103  | 11  | 0,83 | 26    | 1,96 | 58     | 4,36 |
| 17     | ŠKAHOVICA   | 805   | 589     | 73,17 | 541           | 91,85 | 251  | 46,40 | 190  | 35,12  | 37   | 26  | 4,81 | 15    | 2,77 | 22     | 4,07 |
| 18     | VRANOVIĆI   | 653   | 538     | 82,39 | 500           | 92,94 | 159  | 31,80 | 261  | 52,2   | 50   | 2   | 0,40 | 6     | 1,20 | 22     | 4,40 |
| UKUPNO |             | 27896 | 19028   | 68,21 | 17625         | 92,63 | 8318 | 47,19 | 6104 | 34,633 | 1821 | 293 | 1,66 | 391   | 2,22 | 698    | 3,96 |

Tabela 5. Zbirni (prosječni) rezultati glasanja na području opštine Gračanica (opći izbori 2000.) za Predstavnički dom parlamenta BiH, Predstavnički dom Parlamentarne skupštine FBiH i skupštinu TK (po mjesnim zajednicama)

| RB     | MZ          | UPIS. | GLASALO |       | VAŽEĆIH LIST. |       | SDP  |       | SDA  |       | SBIH |       | LDS |      | SPEN |      | Ostali |       |
|--------|-------------|-------|---------|-------|---------------|-------|------|-------|------|-------|------|-------|-----|------|------|------|--------|-------|
|        |             |       | br.     | %     | br.           | %     | br.  | %     | br.  | %     | br.  | %     | br. | %    | br.  | %    | br.    | %     |
| 1      | BABIĆI      | 1102  | 740     | 67,15 | 687           | 92,84 | 226  | 32,90 | 356  | 51,82 | 82   | 11,94 | 8   | 1,16 | 5    | 0,73 | 10     | 4,42  |
| 2      | DOBOROVCI   | 1235  | 778     | 63,00 | 703           | 90,36 | 249  | 35,42 | 223  | 31,72 | 177  | 25,18 | 13  | 1,85 | 18   | 2,56 | 23     | 9,24  |
| 3      | DŽAKULE     | 1427  | 1058    | 74,14 | 982           | 92,82 | 166  | 16,90 | 461  | 46,95 | 251  | 25,56 | 57  | 5,80 | 10   | 1,02 | 37     | 22,29 |
| 4      | GRAČANICA   | 8194  | 5221    | 63,72 | 4904          | 93,93 | 3232 | 65,91 | 789  | 16,09 | 503  | 10,26 | 125 | 2,55 | 154  | 3,14 | 101    | 3,13  |
| 5      | D.LOHINJA   | 559   | 386     | 69,05 | 368           | 95,34 | 149  | 40,49 | 159  | 43,21 | 44   | 11,96 | 8   | 2,17 | 5    | 1,36 | 3      | 2,01  |
| 6      | LUKAVICA    | 1720  | 1261    | 73,31 | 1172          | 92,94 | 487  | 41,55 | 584  | 49,83 | 55   | 4,69  | 9   | 0,77 | 10   | 0,85 | 27     | 5,54  |
| 7      | MALEŠIĆI    | 1694  | 1239    | 73,14 | 1155          | 93,22 | 570  | 49,35 | 388  | 33,59 | 146  | 12,64 | 7   | 0,61 | 12   | 1,04 | 32     | 5,61  |
| 8      | MIRIČINA    | 1474  | 970     | 65,81 | 872           | 89,90 | 490  | 56,19 | 215  | 24,66 | 88   | 10,09 | 17  | 1,95 | 37   | 4,24 | 25     | 5,10  |
| 9      | D.ORAHOVICA | 2446  | 1588    | 64,92 | 1483          | 93,39 | 628  | 42,35 | 645  | 43,49 | 121  | 8,16  | 23  | 1,55 | 39   | 2,63 | 27     | 4,30  |
| 10     | G.ORAHOVICA | 1225  | 847     | 69,14 | 810           | 95,63 | 329  | 40,62 | 352  | 43,46 | 89   | 10,99 | 5   | 0,62 | 24   | 2,96 | 11     | 3,34  |
| 11     | PISKAVICA   | 412   | 331     | 80,34 | 319           | 96,37 | 163  | 51,10 | 97   | 30,41 | 42   | 13,17 | 8   | 2,51 | 5    | 1,57 | 4      | 2,45  |
| 12     | PRIBAVA     | 947   | 585     | 61,77 | 558           | 95,38 | 258  | 46,24 | 158  | 28,32 | 82   | 14,70 | 12  | 2,15 | 18   | 3,23 | 30     | 11,63 |
| 13     | PR.LBRDO    | 426   | 384     | 90,14 | 380           | 98,96 | 54   | 14,21 | 309  | 81,32 | 9    | 2,37  | 3   | 0,79 | 1    | 0,26 | 4      | 7,41  |
| 14     | RAŠLJEVA    | 422   | 318     | 75,36 | 299           | 94,03 | 145  | 48,49 | 118  | 39,46 | 11   | 3,68  | 10  | 3,34 | 7    | 2,34 | 8      | 5,52  |
| 15     | SOKO        | 1076  | 763     | 70,91 | 687           | 90,04 | 355  | 51,67 | 173  | 25,18 | 110  | 16,01 | 8   | 1,16 | 11   | 1,60 | 30     | 8,45  |
| 16     | ST.POLJE    | 2079  | 1433    | 68,93 | 1338          | 93,37 | 550  | 41,11 | 576  | 43,05 | 125  | 9,34  | 18  | 1,35 | 31   | 2,32 | 38     | 6,91  |
| 17     | ŠKAHOVICA   | 805   | 589     | 73,17 | 553           | 93,89 | 261  | 47,20 | 201  | 36,35 | 42   | 7,59  | 25  | 4,52 | 14   | 2,53 | 10     | 3,83  |
| 18     | VRANOVIĆI   | 653   | 538     | 82,39 | 515           | 95,72 | 169  | 32,82 | 262  | 50,87 | 56   | 10,87 | 6   | 1,17 | 7    | 1,36 | 15     | 8,88  |
| UKUPNO |             | 27896 | 19029   | 68,21 | 17785         | 93,46 | 8481 | 47,69 | 6066 | 34,11 | 2033 | 11,43 | 362 | 2,04 | 408  | 2,29 | 435    | 5,13  |

Tabela 6. Pokazatelji uspjeha političkih stranaka na općim u odnosu na lokalne izbore 2000., iskazani u više ili manje procenata osvojenih glasova po mjesnim zajednicama na gračaničkoj općini

| RB     | MZ         | UPIS. | GLASALO |      |        | SDP  |      |       | SDA  |      |       | SEIH |      |      | LDS  |     |       | SPEN |     |      | Lok |
|--------|------------|-------|---------|------|--------|------|------|-------|------|------|-------|------|------|------|------|-----|-------|------|-----|------|-----|
|        |            |       | Lok     | Opć  | + -    | Lok  | Opć  | + -   | Lok  | Opć  | + -   | Lok  | Opć  | + -  | Lok  | Opć | + -   | Lok  | Opć | + -  |     |
| 1      | BABIĆ      | 1102  | 77,2    | 67,0 | -10,2  | 37,7 | 32,9 | -4,8  | 52,9 | 51,8 | -1,1  | 4,8  | 11,9 | 7,1  | 1,1  | 1,1 | 0,0   | 2,3  | 0,7 | -1,6 | 1,1 |
| 2      | DOBROVO    | 1235  | 66,9    | 63,0 | 3,90   | 37,5 | 35,4 | -2,1  | 36,1 | 31,7 | -4,4  | 5,8  | 25,1 | 19,3 | 12,8 | 1,8 | -11,0 | 2,8  | 2,5 | -0,3 | 4,9 |
| 3      | DŽAKULE    | 1427  | 61,6    | 74,0 | 12,40  | 28,1 | 16,9 | -11,2 | 46,7 | 46,9 | 0,2   | 5,2  | 25,5 | 20,3 | 15,9 | 5,8 | -10,1 | 1,0  | 1,0 | 0,1  | 3,1 |
| 4      | GRAČANICA  | 8194  | 68,3    | 64,0 | -5,30  | 65,9 | 65,9 | 0,0   | 14,7 | 16,0 | 1,3   | 10,2 | 10,2 | 0,0  | 4,2  | 2,5 | -1,7  | 2,8  | 3,1 | 0,3  | 2,1 |
| 5      | DLOHINJA   | 559   | 67,5    | 69,0 | 1,50   | 47,7 | 40,4 | -7,3  | 34,2 | 43,2 | 9,0   | 11,0 | 11,9 | 0,9  | 1,1  | 2,1 | 1,0   | 3,0  | 1,3 | -1,7 | 3,0 |
| 6      | LUKAVICA   | 1720  | 70,1    | 73,0 | 2,90   | 53,7 | 41,5 | -12,2 | 35,1 | 49,8 | 14,7  | 6,1  | 4,5  | -1,6 | 2,0  | 0,8 | -1,2  | 0,5  | 0,8 | 0,3  | 2,5 |
| 7      | MALEŠĆ     | 1694  | 79,3    | 73,0 | -6,30  | 47,6 | 49,3 | 1,7   | 38,3 | 33,6 | -4,7  | 11,6 | 12,6 | 1,0  | 0,7  | 0,6 | -0,1  | 1,1  | 1,0 | -0,1 | 0,8 |
| 8      | MIRČINA    | 1474  | 73,2    | 66,0 | -7,20  | 67,4 | 56,2 | -11,2 | 16,5 | 24,6 | 8,1   | 5,5  | 10,0 | 4,5  | 1,6  | 1,9 | 0,3   | 6,0  | 4,2 | -1,8 | 3,1 |
| 9      | DORAHOMICA | 2446  | 67,2    | 65,0 | -2,20  | 55,8 | 42,3 | -13,5 | 30,3 | 43,5 | 13,2  | 6,7  | 8,1  | 1,4  | 2,3  | 1,5 | -0,8  | 2,7  | 2,6 | -0,1 | 2,2 |
| 10     | GORAHOVICA | 1225  | 75,2    | 69,0 | -6,20  | 48,6 | 40,6 | -8,0  | 28,9 | 43,4 | 14,5  | 5,7  | 10,9 | 5,2  | 0,5  | 0,6 | 0,2   | 4,1  | 2,9 | -1,2 | 2,3 |
| 11     | PISKAVICA  | 412   | 84,6    | 80,0 | -4,60  | 57,4 | 51,1 | -6,3  | 21,6 | 30,4 | 8,8   | 9,9  | 13,1 | 3,2  | 7,2  | 2,5 | -4,7  | 2,1  | 1,5 | -0,6 | 1,8 |
| 12     | PRIBAVA    | 947   | 65,1    | 62,0 | -3,10  | 49,0 | 46,2 | -2,8  | 26,1 | 28,3 | 2,2   | 12,0 | 14,6 | 2,6  | 0,5  | 2,1 | 1,6   | 6,4  | 3,2 | -3,2 | 6,0 |
| 13     | PREBDO     | 426   | 92,3    | 90,0 | -2,30  | 29,1 | 14,2 | -14,9 | 66,2 | 81,3 | 15,1  | 1,6  | 2,3  | 0,7  | 0,0  | 0,8 | 0,8   | 0,0  | 0,2 | 0,2  | 3,1 |
| 14     | RAŠLJEVA   | 422   | 86      | 75,0 | -11,00 | 58,4 | 48,5 | -9,9  | 30,6 | 39,3 | 8,7   | 6,0  | 3,6  | -2,4 | 2,8  | 3,3 | 0,5   | 0,6  | 2,3 | 1,7  | 1,7 |
| 15     | SKO        | 1076  | 77,3    | 71,0 | -6,30  | 59,2 | 51,7 | -7,5  | 20,3 | 25,2 | 4,9   | 12,9 | 16,0 | 3,1  | 1,9  | 1,2 | -0,7  | 1,8  | 1,6 | -0,2 | 4,0 |
| 16     | ST. POLJE  | 2079  | 77,1    | 69,0 | -8,10  | 37,4 | 41,1 | 3,7   | 53,4 | 43,0 | -10,4 | 4,1  | 9,3  | 5,2  | 1,0  | 1,3 | 0,3   | 2,2  | 2,3 | 0,1  | 1,9 |
| 17     | ŠKAROVICA  | 805   | 78,1    | 73,0 | -5,10  | 51,4 | 47,2 | -4,2  | 34,6 | 36,3 | 1,7   | 4,8  | 7,6  | 2,8  | 5,6  | 4,5 | -1,1  | 2,5  | 2,5 | 0,0  | 1,2 |
| 18     | VRANOMĆ    | 653   | 84,1    | 82,0 | -2,40  | 36,8 | 32,8 | -4,0  | 53,5 | 50,8 | -2,7  | 3,7  | 10,9 | 7,2  | 1,0  | 1,1 | 0,1   | 1,8  | 1,3 | -0,5 | 3,3 |
| UKUPNO |            | 27896 | 72,2    | 68,2 | -4,00  | 52,8 | 47,7 | -5,1  | 30,9 | 34,1 | 3,2   | 8,2  | 11,4 | 3,2  | 3,1  | 2,3 | -0,8  | 2,6  | 2,3 | -0,3 | 2,4 |